

INUIT ATAQATIGIIT

Inatsisartuni



UKA2017/116
17. oktober 2017
Villy Olsvig

Ajunaarnersuarnik ajunaarnersuartulluunniit ittunik pisoqartillugu iliuuseqapallattarnermut upalunaarsimangerup kommuninit akisussaaffigineqarnerata pitsaaqutaanik pitsaanngequaanillu UKA2018-imut Naalakkersuisut nassuaasiornissamik peqquneqarnissaannut Inatsisartuni aalajangiiffigisassatut siunnersuut.

(Inatsisartunut ilaasortaq Bendt B. Kristiansen, Inuit Ataqatigiit)

Inuit Ataqatigiit sinnnerlugin aaliangiiffigisassatut siunnersuut qulaani pineqartumut qujalluta, matumuuna imatut oqaaseqaateqassaagut.

Nunatta sineriaani inoqarfippassuarni upalungaasimanermut tugasut annertunerpaartai kommuninit isumagineqartarput, taamaattumillu sutigut tamatigut upalungaasimanissamut tunngasut sapinngisamik pittaanerpaaffimiisinniarnissaannut pisussaaffeqarpugut, tassanilu pingaanertut makku minnerpaaffissaanik qulakkeerniarsimasussaaniassavagut:

- Upalungaarsimanermi suliaqartartut inoqarfinni illoqarfinniippata imaluunniit nunaqarfinniippata pikkorissarneqartuartarnissaat, minnerunngitsumillu sumiiffimminti sungiusaatigulu suliaqartarnissaat.
- Upalungaassimanermi inoqarfinni atortut sakkut soorlu piffissat aallaavigalugit nalilersuiffigineqartarnissaat, tamatumallu kingunerisaanik aamma nutarterneqartuartarnissaat.
- Asimi nunanik ikualattoqartarnera ukiuni kingullerni annikinnerusumik annertunerusumilluunniit nalaanneqatalersimapput, taamaattumillu taamatut pisoqarnerani kommunip tamakkiisumik naammassinnissinnaassusia ilaatigut killeqarsinnaasassammat pingartumik asimi nuna ikualattoq inoqarfimmut ungasartillugu, kissaatiginarsinnaagaluarpoq piffimmi aaliangersimasumi soorlu Kangerlussuarmi atortunik nunami asimi ikualannernik qamisaataasinnaasunik peqarsinnaanissaq, taakkulu annaassiniarnernik ujaasinernik suliaqartuniit piffimmut ikualattoqarfinnut angallanneqarsinnaanerannut piginnaatitsiussutigineqarlutik.

Inoqarfinni illoqarfimmi imaluunniit nunaqarfinni upalungaasimasussaaitaaneq annertuumik pingartinneqarlunilu sutigut tamatigut pisunut suugaluartunulluunniit nalaanneqarsinnaajumaartunut naleqqussartuartariaqarpoq, taamaaliussagaannilu ataaseq

nalunangilaq aningasarpasnuarnik naleqarsinnaanera, tamatumallumi takussutissaannaagunarpoq Pinngortitamut Avatangiisinullu Naalakkersuisoqarfip ulloq 27. august 2017 Sanaartornermut Ataatsimiisitaliamut allakkiaani.

Allakkiami tassani upalungaarsimanermut suliassaqarfimmi atortut qanoq suut aammalu qanoq pittaatiginerannik takussutissiisoqarsimavoq, taamatuttaarlu atuarneqarsinnaasunut ilaavoq Pinngortitamut Avatangiisinullu Naalakkersuisoqarfik 2016-imi sisamararluni annaassiniarnermut upalungaarsimanernut nakkutiliisimallutik suliaqarsimanerat

Upalungaasimasinnaanermik taamatuttaarlu nunakkut ujaasinerni qatserisartuniit suliaqarsinnaanermik atortut allattorsimaffiat aallaavigissagaanni ilaatigut assut isumakulunnarsinnaasut arlaqartut atuarneqarsinnaasunik peqartoq maluginarnarpoq, assersuutit ilamininnguit

- Qatserisartut biilii = ajorluinnarpoq
- Yamaha Viking III = pitsaanngitsoq
- Tohatso pumpe = pitsaanngitsoq
- Haagglunds sprøjte = ajorluinnarpoq
- mercedes unimog sprøjte = pitsaanngitsoq

Taaneqarsinnaasut suli amerlagaluaqaat qulaanilu taaneqartut assersuutissaannaapput upalungaasimanerup qatserisartoqarnermi inoqarfinni illoqarfiuppata nunaqarfiuppataluunniit unammillernarsinnaalluartut ilaanarai, ullutsinnullu nalimmassaassagutta ila soorluuna aningasarpasnuarnik naleqasaagunaqisut.

Tamaattumik nunatsinni sukkulluunniit silannakkut imaatigut minnerungitsumillu asimi nalaataqartarsinnaanitsinnut upalugaasimalluinnarsinnaanissarput pingaaruteqarluinnarpoq.

Pingaartumillu nunami uumasunik neqissaqarniarnitsinni inuuniuteqarnermi asimi pingortitami ikuallattoqartillugu piaartumik alloriartoqartarnissaa kissaatiginarluinnarpoq, tamaalilluta nunami uumasut taamatullu timmissat manniliorfarfii/piaqqiortarfii il il. illersorneqarnissaat pingaaruteqarluinnarmat

Taamatut oqaaseqarluta siunnersuut ataatsimiisitaliamut susassaqartumut ingerlateqqipparput.